

Գրախոսություն

«Գիտաֆանտաստիկ ժանր»

Սովորող՝ Սամվել Շահվերդյան

Ղեկավար՝ Մարիետ Միմոնյան

Գրախոս՝ Լիլիթ Յախինյան

Մարդկության պատմության ամենաառաջին էջից սկսած, մարդ արարածն ունեցել է երևակայություն, որն էլ, բանականության հետ միասին որոշիչ է եղել հետագա էվոլյուցիայի գործում:

Մենք հավատում ենք այն ամենին ինչը չկա, ինչը կա, ու ինչ ստեղծում ենք մեր երևակայությամբ:

Թերևս, գիտաֆանտաստիկ ժանրը <ֆիլմերում, գրական ստեղծագործություններում, մեր մտքերում> հենց մեր հորինած հավատալիքն է. կարծես ամեն ինչ իրական է, ապացուցելի, բայց ոչինչ իրականում չենք կարող ապացուցել, շոշափել, և ամենակարևորն է, չենք կարող հերքել:

Աշխատանքի հեղինակի այս տողերը հաստատում և հերքում են ժանրի գոյությունը:

«Ես <կարող եմ լինել ՄԵՆՔ> այս հետազոտական աշխատանքը կատարելիս եկա այն եզրակացությանը, որ մարդկությունը չի կարողացել հասկանալ, գտնել տարբեր հարցերի պատասխանները և սկսել է ենթադրություններ անել, և միայն ժամանակի ընթացքում են գիտության կամ այլ ոլորտներում աշխատող մարդիկ գտել տարբեր հարցերի պատասխանները:»

Սամվել Շահվերդյանի աշխատանքը գնահատում եմ հետևյալ կետերով

1. Կառուցվածքային է
2. Ունի հստակ առանձնացված բովանդակությամբ գլուխներ:
3. Հեղինակը կարևորել է իր կարծիքը, որը շատ ողջունելի է:
4. Երևում է, որ աշխատանքը «աշխատած է», ինքնուրույն է արված:
5. Երևում է ղեկավարի և սովորողի համագործակցությունը:

Մամվել Շահվերդյանի աշխատությունը բաղկացած է վեց գլուխներից, ներածությունից, վերջաբանից: Որպես գրախոսական նշեմ մի քանի բացթողում:

1. Աշխատանքը չունի գրականության ցանկ
2. Մարվելի ֆիլմերը գիտաֆանտաստիկ ժանր չեն ներկայացնում, այլ Ֆենթեզի: Տես վիկիդարանում՝ Ֆենթեզի (անգլ.՝ fantasy - «երևակայություն»), գրականության ֆանտաստիկ ժանրի տեսակ, որտեղ օգտագործվում են հեքիաթային և առասպելական կերպարներ: Այս ժանրը իրականության մեջ ուրույն պատմություն է ներկայացնում, որի բացակայության դեպքում իրականությունը չի փոխվի: Մարվելի ֆիլմերի բոլոր աշխարհները հորինովի են, կամ էլ ադապտացված են պատմությանը:
3. Եթե ուսումնասիրում ենք գիտահետազոտական ժանրը, ապա պետք է նշենք այնպիսի «դասական» գրողների, ինչպիսիք են՝ Դուգլաս Ադամսը «Ավտոստոպով գալակտիկայով մեկ», Եվգենի Զամյատինը «Մենք»: Վստահ եմ , որ հեղինակը մյուս հետազոտական աշխատանքներում, եթե շարունակի թեման, կկարդա այս գրքերը:
4. Կան տեխնիկական փոքր բացթողումներ

Այսպիսով սովորողի աշխատանքը համարում եմ 10-րդ դասարանի սովորողի համար բավարար և երաշխավորում եմ պաշտպանության համար:

Լիլիթ Յախինյան

